

Broj: 101-10436/23 HH
Zenica, 12.09.2023. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22), na Preporuku Komisije za nabavku broj: 501-10434-1/23 HH od 12.09.2023. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-10434/23 HH od 12.09.2023. godine u postupku dodjele okvirnog sporazuma za nabavku usluga osiguranja od autoodgovornosti za vozila i radne mašine i prihvata se preporuka Komisije za nabavke da se okvirni sporazum zaključi sa ponuđačem:

SARAJEVO OSIGURANJE d.d. Sarajevo

kao najbolje ocijenjenom ponuđaču, prema ponudi protokoliranoj pod brojem: 501-10223/23 od 06.09.2023. godine, za ponuđenu cijenu od 28.961,48 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču SARAJEVO OSIGURANJE d.d.. Sarajevo, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-9550/23 BS od 23.08.2023. godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 32.000,00 KM.

Dana 24.08.2023.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-289-3-117/23 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 12.09.2023. godine.

Rok za dostavljanje ponuda je bio 06.09.2023. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. ASA CENTRAL OSIGURANJE d.d. Sarajevo
2. EUROHERC OSIGURANJE, Podružnica Travnik
3. SARAJEVO OSIGURANJE d.d. Sarajevo

Komisija za nabavku imenovana je Odlukom broj: 101-10033/23 ŠS od 01.09.2023.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),

- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno 8 (osam) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 12.09.2023. godine direktoru preduzeća dostavila Zapisnik o ocjeni ponuda broj: 501 -10434/23 HH od 12.09.2023. godine sa preporukom o izboru najpovoljnijeg ponuđača.

Uvidom u priloženu dokumentaciju konkurentskog zahtjeva broj: 406- 9550-1/23 BS od 23.08.2023. godine – Nabavka usluga osiguranja od autoodgovornosti za vozila i radne mašine, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14, 59/22), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena bilo koje dostavljene ponude neprimjereno niska.

Ponuđaču EUROHERC OSIGURANJE, Podružnica Travnik nedostaje potpisana i ovjerena izjava ukoliko se osigurani slučaj dogodi ponuđač je obavezan isplatiti ugovorenu vrijednost u roku 20 dana, kako je traženo tenderskom dokumentacijom (tačka 2 g). Takođe, bile su i računske greške u pojedinačnim stavkama ponude. Shodno navedenom, ponuda ponuđača EUROHERC OSIGURANJE, Podružnica Travnik je nepravilna jer nije u skladu sa tenderskom dokumentacijom - član 2., tačka 1., stav 3. Zakona o javnim nabavkama BiH („Sl. glasnik BiH“, 39/14, 59/22). Iz gore navedenog razloga ponuda ponuđača EUROHERC OSIGURANJE Podružnica Travnik se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH“, 39/14, 59/22).

Ponuđač ASA CENTRAL OSIGURANJE d.d. Sarajevo je dostavio ponudu čija je cijena veća od procijenjene vrijednosti nabavke (procijenjena vrijednost iznosi 32.000,00 KM). Shodno navedenom, ponuda ponuđača ASA CENTRAL OSIGURANJE d.d. Sarajevo je neprihvatljiva član 2., stav 1., tačka I., alineja 2. Zakona o javnim nabavkama BiH („Sl. glasnik BiH“, 39/14, 59/22) Iz gore navedenog razloga ponuda ponuđača ASA CENTRAL OSIGURANJE d.d. Sarajevo se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH“, 39/14, 59/22).

Ponuđač Sarajevo osiguranje d.d. Sarajevo je dostavio formalno – pravno ispravnu i tehnički prihvatljivu ponudu, koja kao takva može biti predmet ocjenjivanja.

Komisija je pregledom Aneksa 2 – Obrazac za cijenu ponude konstatovala računske greške kod ponuđača Sarajevo osiguranje d.d. Sarajevo te je ponuđaču dostavljen zahtjev za prihvatanje ispravke računske greške, broj: 501-10292/23 SS od 08.09.2023. godine.

Ponuđač Sarajevo osiguranje d.d. Sarajevo je dana 11.09.2023. godine dostavio Izjavu o saglasnosti na ispravku računske greške, koja je kod ugovornog organa protokolisana pod brojem: 501-10462/23 od 12.09.2023. godine, te putem koje je prihvatio ispravku računarskih grešaka. Nakon ispravke vrijednosti mijenja se ukupna vrijednost pa ista umjesto 29.095,28KM iznosi 28.961,48KM bez PDV-a (sveukupno AO +korekcija boniteta).

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1.SARAJEVO OSIGURANJE d.d. Sarajevo, sa ukupnom cijenom ponude u iznosu od 28.961,48KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku usluga osiguranja od autoodgovornosti za vozila i radne mašine dao ponuđač SARAJEVO OSIGURANJE d.d. Sarajevo, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Komercijalna služba - Službenik za javne nabavke
- 3 x Članovima Komisije
- 1 x Sekretar Komisije
- 1 x a/a



Direktor:

 Pašalić Emir, dipl.ing građ.